

惟有推廣學會到處開講使人皆知孔教義理遠勝彼教彼安能誘人入教今我不講商務彼所以要通商我不宣聖教彼所以要傳教推之我不亟行輪船彼必來開碼頭我不急通火車彼必來建鐵路我不急與保衛彼必來設捕房與其待彼來辦權柄一切趨人何如及早舉行將來猶可自固若事疑難人人阻撓他人我先追悔何及中國大患在於上下之情不通非止君門九重蟻風之巨無由上通閭閻即地方官與地方百姓亦隔閣不相通不通即相疑小民可與樂成難與慮始官雖實心為民而民以為厲已今大憲親臨學會宣講許人投匭獻言無非欲以通上下情而其不通者如故也求通官民之情當賴紳士之力所望讀書明理之君子深念今之時局有不能不變之勢將一切利害得失詳悉曉導愚民釋其疑心通其阻力伊尹曰天之生斯民也使先知覺後知使先覺覺後覺也朱子注曰覺後知後覺如呼寐者而使之寤也讀書明理之士即是先知先覺諸君子當以先知先覺自任喚醒一人得一人之益喚醒十人得十人之益務須平心和氣開誠布公誰無天良自然感悟嘗觀古來興衰治亂大抵奮發有為者與因循不振者衰上下一心者治億兆離德者亂當以奮發有為上下一心為法以因循不振億兆離德為戒而非上下一心亦不能奮發有為若羣議譏之浮言沮之功廢於半途事障於中止始於奮發終於因循必致一事無成往為四方取笑如朝鮮屢變法並無成功將來其國必亡欲如日本之興也勃焉豈可得哉歐洲重公法待野蠻無教化之國與待文明有教化之國不同殺其人不為不仁據其土不為不義西人欲滅人國奪人地必先出報痛詆其國如何無教化將代為之設教其民如何不聊生將代為之治民以此試驗其國並告知各國其國醒悟猶可挽回若其國視若罔聞各國亦置之不理則彼大膽動手以其國既如此昏聩各國亦無為援手者也以此觀之外國之報並非譏語中國之報即從外國之報譯出亦非過於杞憂昧者不知猶自尊大以為瓜分乃必無之事試問今日割五城明日割十城中國尚堪幾割分割漸盡湖南豈有獨存之理或以為湘軍威名尚在洋人必不敢到湖南試問洋人何以不敢來湖南又有何法使其不來今惟有不明與之爭而暗與之抵拒講求商務開通利源推廣學會宜明聖教中外各國教宗各異中國自應專以孔教為尊惟尊孔教宜多讀古書兼通時務不得專以科舉帖括為孔教至於商學工學及農家種植之學則常採用西法購置機器不宜專執故見自失本地之利西人以商立國自古已然牟利之法既精又能講求物理化學其機器之巧尤非人力所能爭勝欲保利權必用新法不必存中外畛域之見但使湖南能開一分利源即能保全一分生計此極有把握極有實濟之事並非空談無益也

天王聖明○昨接京友函云康工部有為於都中糾集同志創立保國會宣講政學為御史潘慶瀾所彈劾皇上覽奏謂康有為進呈書籍甚忠勇其會以保國為名豈國不願保耶 飭留中 恭王薨○昨接京電恭親王於本月初十日戌刻薨逝 撫憲批示

益陽縣客侍衛賀紹南等呈批○此案已據該縣驗報兩造斃命一人受傷四人自係彼此互圖文春甲等既因阻挖煤礦前往豈有拾挖煤之人反毆旁人之理所呈全係支飾之詞不足憑信單開被告三十八名之多尤見有心株累仰按察司即飭益陽縣勸集人證提取現獲兇犯文黑七等研訊確供照例擬辦勿任藉命拖累切切詞黏并發仍繳○湘潭縣民賴中林等呈批○此案前已由司委提據稱業由委員訊明未據稟報到院所呈是否屬實仰按察司查明分別辦理詞黏并發仍繳○湘鄉縣職員黃潤春等呈批○傳真業經咨請浙江撫院飭伊父傅守澤鴻交出現在向未交到此案延訟日久自非提省不能定斷仰按察司即飭長沙府委派人証到案訊究斷詳詞黏并發仍繳○長沙縣監生周有文等呈批○前詞業經明示茲復續呈前來仰長沙府即飭長沙縣將訊斷緣由稟覆核奪詞黏并發仍繳○武陵縣客民蘇開銘呈批○前據具控當經明晰批示茲復續呈前來仰常德府轉飭武陵縣據實錄案稟覆核奪詞單并發仍繳○澧浦縣廩生譚仙元等呈批○據稱唐三布匠槍奪該生票錢該前縣既將唐三布匠拿獲何以並未追究輒予保釋所呈是否實情仰按察司即飭澧浦縣查明稟覆一面拘訊究追詞黏并發仍繳○耒陽縣職員姚壽金等呈批○異姓爭墳碑譜本不足據爾等與周譚氏互爭墳山稱係互管並無契據碑石又稱挖匿無見挖之人所呈毫無憑據案經由府提審僅錄口供不抄府讞顯係有心隱匿不准抄粘附○平江縣職員黃培基呈批○前據具控業經批飭訊詳茲據續呈並不將縣中如何訊斷切實叙明供讞亦不抄齋僅抄縣詞五張均稱未沐批示恐無是理難保非因指駁詳明故意隱匿仰岳州府即飭平江縣將訊斷緣由據實錄案稟覆核奪詞粘并發仍繳

臬憲札飭

欽命二品銜署理湖南提刑按察使司按察使鹽法長寶道黃 為札飭事奉 撫憲批據湘潭縣職婦丁周氏控謝之慶毆斃伊夫弟丁勁森一案奉批卷查該氏及丁月興等屢次來報具控均僅稱謝潤生即謝之慶等將丁勁森毆傷身死並未指稱黃氏共毆茲忽呈稱丁勁森被謝之慶及伊妻黃氏毆斃顯係任意株連丁勁森屍

身業據該縣驗明實係因病身死填格通實本部院因丁月與等具呈翻控批司委員會審并未批驗乃輒捏稱沐批委驗即此二端其呈詞之狡妄失實已可概見仰按察司即飭委員會同湘潭縣訊明究結稟覆勿令延認單并發仍繳合就札行札到該府即便分飭遵照辦理切切此札

巴陵拔貢王第祺等請變通縣試稟并批示

具稟拔貢生王第祺稟生龍銓甲李羣錫陳戊任佑濤增生郭鵬附生劉光萃杜耀現李弁姜炳坤等為公懇變通縣試舊章提倡學校以開風氣而育真才事竊惟人才振興由官長之作育風氣旋轉在科舉之變通士子僻處鄉隅困於聞見素恃時文試帖為登進之階驟語以講求經濟研究中西各書鮮不瞠目而詫無他上之所取不在是即下之所學不在是也現金鶚書院業經 憲台延聘算學教習講求天算並改官課舊章捐廉加獎洵足培實學而育真才猶復相購報章數分備書院生童觀覽仰見 憲台遵 旨求才提倡實學之至意惟改張書院固屬培植之基而變通考試尤足一心志而資鼓舞查 功令所載府縣考試或五六場或六七場并無必試八股之例現長善縣試 撫憲面諭賴陳兩大令於二三場策以時務瀏陽縣試黎大令於正場後另場考試分經學史學時務算學輿地五門聽其專門兼習俟未覆畢合頭場一律校閱始行揭曉無非慮士人故見自封不克研求內政外交等實學特變更考試使知求才者意之所向人自爭趨生等竊思吾岳當湘鄂之衝尤為要地巴陵首善士習尤純擬請 公祖於縣試時除頭場仍試時文外覆試各場或以經史與算分試專門或以交涉掌故用規卓識果係研求實學即頭場時文稍遜亦必取列前茅以示獎勵庶一縣之人知所宗仰無不爭自磨礱勉為有用之材智慧既開不獨辦理學堂學會易觀厥成即西人來岳行教通商亦知宣布約章開導愚頑使不至敢毀異族也生等不自揣度謹會商合邑士紳公同具稟伏祈 俯賜批准並期縣試期前出示曉諭城鄉俾聞邑人士厚自栽培蔚為棟幹人才幸甚天下幸甚

巴陵縣正堂周批

又示

正場遵照舊章覆試自應兼考時務准如所稟立案並即出示曉諭城鄉
為出示曉諭事案據拔貢生王第祺等稟稱竊惟人才振興由官長之作育云云伏祈俯賜批准並期縣試期前出示曉諭城鄉等情據此合行出示曉諭為此示仰聞邑文童知悉爾等須知 國家求才至意務宜講求時務

等學以便臨期考試切切特示

論支那奉動全地○阿爾蘭自由報云夫暴風狂發萬物遭害觀今日之事可知矣彼德人強佔膠州日本力索賠款歐洲各國驚然羣起各挾鉅款以借中國大有爭先恐後之勢中國以此而門羣雄雖失膠州亦可無恨矣以英國之富籌十六兆磅令朝下款可夕集矣然英人爭借之心太切使華人不為他權所制將窺得英人用心必藉此而佔便宜無疑也此事為當今急務請詳言之夫英以款資支那視為莫大之利者以為日本得向支那索回賠款取在歐定造之戰艦以強其軍也且英之與國日強英之利也邇者英國各報紛傳英日同盟之勢已成且謂日本艦隊已歸英國東方水師提督節制果爾則天下事不堪設想矣夫謂東方有戰必英日聯盟與俄德法對仗者人無異議也若以海權而論則三國軍力遠遜英日使一旦從事于戈勝敗之數若操左券吾知宣戰之後三國軍艦必匿避穩或潛分小隊偵擊商船總未敢坦然迎敵也按此情形荷俄人不能使華兵血戰則支那濱海要區必歸英日掌握矣然支那士卒非盡不可用也昔者戈登所將之兵全軍皆勇士甲申之役黑旗之下無怯兵法人所稔知也然則華兵固非無用特思將之者不得其人耳倘將佐得人制馭得法則華兵可成勁旅將使視華兵為弱卒者驚愕而咤異矣方今羣雄爭權各不相下勢必至以干戈相見者雖至愚亦知之矣然無一國敢先發難者蓋恐啟釁之後難操勝算耳若英日海軍稱雄東海利在速戰乘三國水師軍力未充先發制之誠為上策然而猶有難者意與德俄接壤倘背德俄則二國之師必犯意與之郊英日來政策固難懸揣然吾料其必不敢背德俄者蓋意與德俄接壤倘背德俄則二國之師必犯意與之郊英日海軍雖強難解二國腹地生民塗炭之苦况論其利害意與德俄接壤倘背德俄則二國之師必犯意與之郊英日和衷共濟其鄰國如法意與自必惟命是聽英日雖強豈能抗五國之師乎倘不量力以寡弱擊眾強以其海軍之盛微倖一時之勝然而兵連禍結吾恐終為五國所困矣或曰美之於中國也與英日同利害英日勢孤美必援之美人已言之屢矣余應之曰不然美人則何敢聯英美聯則各國之戒心啓全歐將羣起而攻之矣美國政府持議固多空言無補其談論之間或偶有聯英之語究無稽之談何足遽信由是觀之英之皇皇增厚海軍迄今已非急務矣即貸款一事若非各權許可恐亦難行其志遑問其他哉嗚呼英人之揚威四海稱霸全球已成往事矣 鈞閱報

德羅琳論中國開礦造路事○事之顯然暴露於外而與中國變法有窒礙者吾儕一步一驟時而忠告焉

湘報第七十九號

三百十五

無少新且深信事機之來先後徐疾有不出吾念慮所至而實足以發中國之多方掣肘其阻撓之故長言詠歎之不足恍若執左券於此而以右券責之者也吾邦士夫德瑾琳君固所謂有心中國之時變而不肯容忍緘默袖手旁觀者也蓋其楚材晉用更事既多老馬識途常懷忠告殆所謂衣人之衣而憂人之憂者非耶當甲午戰費之既開也曾為中國使東掉三寸不爛之舌說日本約和說雖不行廢然而返益用為中國借籌之隨舉條陳若干款上於總理衙門大旨謂中國欲速致富之道以補時艱舍開礦別無先務蓋礦與則國富自強者在是禦侮者亦在是德君亦可謂忠於謀人矣德君復履中土私聘德人之精明於礦學者一人寄之腹心委以重任俾察勘直隸滿州各處礦產據其所稱已勘得礦地百數十處苗質之佳皆不亞於德國之礦勢似大有可為即所需化礦之煤取諸鄰封不虞匱乏於是德君於政府以設立礦務總司為請直隸滿州所有之礦統歸採辦章程則俾照海關而行蓋欲綜攬事權故滿志躊躇莫或酬其願望然則德君嗜曩心跡出於萬不獲已之苦衷越俎代謀不避忌諱斯其為卓越華人歟嘗聞其言曰如某京卿者亦可謂當代偉傑矣然其督辦鐵路總公司也姑無論中西臣庶皆不願入其商股而勢同虎背騎驢易下難縱呼籲於當路諸公誠恐亦不之應惟有委身伺虎而從已耳夫比利時者地球之小弱而貧賤耳通商上國率亦寥寥則彼此交涉之故直等語不論不議之條乃無端忽以巨款借中國非有愛於中國也其為他人所指使毫無疑義矣指使者誰俄也法也司馬昭之心路人皆知比國亦俄德之賈克成濟耳此所以某京卿能籌借巨款於比國也然而禍不遠矣俄人鐵路築及滿州日之借款名則為比實則俄法全力而陰圖之窺伺之心令人巨測吾所以有騎虎之喻也夫德君之論某京卿既詳且著矣其是非吾情可無勞贅置一語竊意有一人焉於此閱歷既久練達老成權力亦足以濟之又中國之所曾用者也其閱議卓識與吾情所持論而畫策者大有英雄所見畧同之概其可以助中國導之先路而入於精微斯人蓋可忽乎哉然而務農先夫去草亦舍舊乃可從新何者惡其相害也中國之民心緬蔽久矣每聞新政多方阻撓必罷而後止客歲夏六月京津鐵路既通來游如翬而京師之奇聞遂以日出日多有見夫戴鬪兒女衣薪而屠於軌路之下者築以方橋叩之則曰風水應爾嗚呼風水之說中於人心牢不可破雖有嚴刑厲禁而不少奪其志豈豈者堪奚愚至此中國之所以為中國歟雖然中國非難變也但先祛其舊習之深如農夫去草之務盡然後次第設施而啟牖之而教育之將見西國文明之治中國亦漸摩而化為焉借鏡匪遙其在日本

平 補錄國聞報

英報論開華埠情形○倫敦泰晤士報云我英人欲中國許將大連灣開作通商大埠俄人竟敢攔為已有請將大連灣之形勝略論之俾未歷其境者知其要焉近接滿洲已開之口岸如牛莊準每歲冬時被冰封者約經四閱月之久而大連灣即終年無冰水師場中人必能憶及一千八百五十九年冬英船寄泊於此之事是處產煤甚富即可為開通鐵路之一助記二十八年曾有威廉自此遊歷而歸述及此處地勢謂港口可作船塢港門迴環水程深濬極天然之佳勝也又自此通入內地沿路山坡平曠易築鐵路四處礦苗甚旺隨便可以開採附近出產棉花蠶絲粗麻靛青靛皮毛各物道路既修正可轉運各貨至大連灣出售而英人又欲開通湘陰查湘陰湘潭二城皆在湖南有說者謂湘陰比湘潭較易行船而湘江發源於廣西順流至湖南之長沙府城瀉出洞庭湖由此江可分達兩廣之界是湘江誠為商務之要區湘潭亦可變為大城矣一千八百七十年男爵列治游芬游探湘江每述該處行船祇可載重二百五十担以直達廣西之邊若行輪船未知可過湘陰之上否考湘江水漲恒在夏初而列男爵遊歷時當西正月潦淨潭清之候故謂湘江尚不可行輪船彼又疑水漲時駛行輪船仍恐不能越湘陰之上因有數處水勢甚急狀極危險也由彼言觀之且以湘潭仍不可為商埠矣據伊又云即能得湘陰為商埠亦當以岳州為碼頭岳州在湘陰之下相距約七十三英里湖南向稱中國守舊之省今則民智日開稍知變矣 錄蘇報

確據華人○本司寇時報云駐美訪事人云有輪船一艘名希笛亞悉利者由新金山駛往美國船內有華人數名方欲進口美國官以有干禁令華備新例不准泊岸只得將華人寄於臺船方得擺岸然該船所用華人亦皆自美國雇定立有合同今如此周折聞該船主已赴美國衙門呈控蓋謂船上用人有來有往並非職赴貴國常行居住若欲必須禁止擬請出示定章以便照辦可也 錄國聞報

英人議開闢新地推廣紡織各業○泰晤士報云觀近日時局我英昔擬於九龍地方開拓新地之策不覺踴躍欲試焉此議在香港籌畫多年蓋為商務戰事兩項預謀地步也聞中國舉香港讓與英時所訂條約詳註四周界址由北緯線二十二度九分至二十二度一十一分東經線一百一十四度六分至一百一十四度十八分按以上所開界址須割鯉魚門及對岸地悉歸英屬至北岸若何歸宿則略而不詳現所認界址係劃該海峽之中心為界寬約英里四分之一惟當日炮力僅及一英里並未措意及此然使中國今日能自保其海

面即此亦無須視為要圖也今者事變如此欲保全我英屬土不獨香港對面一帶小山所當囊括而有之即相距稍遠之大鵬海灣為輪艘入港之路亦在所當據也著迫於時勢有不得已而此者刻擬將現有界綫移向九龍迤北所數邁度此微志不難如願以償綠海濱片壤所求於中國者非過者在中國棄之亦為無足重輕而香港地面素患逼窄一旦豁然開展其有益於香港者實匪淺鮮也香港全島測之東西約十一英里南北只五英里其面積僅得三十二見方英里若闢有九龍以之推廣製造紡織諸利綽然有餘地矣至對岸地方我英有設官經治之權可卜安堵如故政治一新不甯惟是中國向置有緝私船往來該海峽中稽查偷漏今海面劃屬我英彼亦無從施其伎倆矣惟築臺經費深用躊躇加以諸雄國爭優競捷英國事欲先人著鞭我邦士大夫方日不暇給有告以香港為尤當務之急者恐難激進耳然深維世變殆速我英以必出是策度其勢恐終不免耳香港紡紗廢棄者輒以物料無從落類多遲疑觀望近察各商情形前此疑團頓釋矣按該處天氣於工作頗為相宜所需各物俯拾即是洵多便益日人知有利可圖且由孟買及上海運綿入本國埠口香港若仿照舉辦其預操勝算也可知上海紡紗廠之所以獲利者因長江附近州縣盛產棉花上海適當其門戶綿價廉故獲利獨厚然譽之者容有過當處以該廠所銷綿取諸鄰近地方者究屬有限也設由揚子江上游口岸用船運綿至香港其運脚與運往上海相較所差無幾尤可喜者聞中國富人某擬在廣州一帶購地試種棉花東京亦出綿英屬婆羅洲或作北部歷經考驗可種上等綿花廣州之策果有濟香港將為銷售綿花之中區行見取用不竭也數年前有某華官曾充駐華威頓中國欽使亦於廣州試過惜無成效今辦此事者甚為認真云 錄國聞報

捐助南學會書籍題名

- 善化畢永年捐入
- 小萬卷樓叢書
- 羣經平議
- 式訓堂叢書
- 湖州叢書
- 百子全書
- 清泉楊 概捐入
- 海軍調度
- 海塘輯要
- 廣東辦礦章程
- 水道提綱
- 王校本經注
- 化學材料中西名目表
- 新學偽經攷
- 日知錄
- 代數通疏錄
- 錢念劬四種
- 燕經齋西算新法叢書

湖南公忠報

本報專論時事以規勸人臣為主義
每七日出一本其機器鉛字已派人
赴上海定購茲擬七月初一日出報
暫借湘報館機器代印一俟購辦齊
備再行設館所有章程容續登報布
知 戴展誠 裴健 吳猷 同啓

施送時症藥粉

近夏陰雨潮濕時冷時熱以致病邪著於經絡分布三焦
瀰漫神識非若風寒外邪亦非停滯裏症故發散消導辛
溫即犯劫津之戒與傷寒六經大不相同余現臨視此症
類皆時躁時昏熱如火灼有汗不解間有寒似戰慄舌苔
黃白灰黑不一小便熱而短赤或赤色所擬藥方均得隨
手奏效因念貧苦之人醫藥無資殊為憐憫是以不惜工
資製備藥粉隨症施送取富救貧藉為濟世之一助爾
伍家井谷華堂羅叔勤啟

經濟書局

開設長沙省南陽街刻印兌換經史子集時務算學輿地各種
書籍格外公道發售

維新書局

開在湖南省城南正街專辦官板中西史志交
涉公法輿地算學及各種格致圖籍擇期開張

新開 恆興祥茶號

開設省城柑子園口專辦各種名茶發客童叟無欺其價格外公道凡賜顧者請認本號招牌為記庶不致誤

若水齋古今算學書錄八卷

計四本價洋九角要者請至黎家坡劉宅購取可也

印送不纏足歌

凡欲閱者請至南正街翁宅領取

四月十七日日用各物時價表

物名	每實	價值	比較	物名	每實	價值	比較
銀	兩	一千三百三十八文	銀圓	每十足	七錢五分	九百十四文	七錢九分七厘
上白米	石	一千五百五十五文	次白米	石	一千五百一十二文	三千三百五十五文	一千四百百文
中米	石	一千五百五十五文	河東谷	石	一千二百斤	四千文	五十六文
河西谷	石	一千二百四十四文	洋麵	包	二兩六錢	六兩六錢	六兩
茶油	百斤	七兩一錢	菜油	百斤	六兩	六兩	六兩
牛油	百斤	一兩八錢五分	桐油	百斤	六兩	六兩	六兩
牛油	百斤	一百二十八文	臭木炭	百斤	六兩	六兩	六兩
歡喜炭	百斤	六十五文	上棉花	百斤	十六兩六錢	十六兩六錢	十六兩六錢
中棉花	百斤	十六兩三錢	下棉花	百斤	十五兩五錢	十五兩五錢	十五兩五錢
頭印折表	石	三百六錢	二印折表	同前	三兩一錢	三兩一錢	三兩一錢
三印折表	同前	三兩	吳庄紙	石	三兩四錢	三兩四錢	三兩四錢
塊煤	石	三百五十文	烟煤	石	三百文	三百文	三百文
柴煤	石	二百二十文					

息爭說

芷江楊子玉撰

物之不平則鳴平則不鳴矣人之意見不同則爭同則不爭矣然欲天下之無爭也烏乎可曰惟有執公理以說之則爭息爭息則同心協力共濟時艱今天下之向新學者則謂于今日吾新學也吾新學也凡人守舊者皆卑且陋也其不向新學者則曰爾之新何在爾亦徒言而已矣甚且疾之怒之相視如水火嗚呼吾為天下悲也吾復為天下幸吾悲何哉悲夫敵兵將臨城下而峨冠博帶之士猶議論不休攻擊不已此亡國之象也豪傑之士知求實事耳如彼人也雖與吾有讐然使其能竭力赴公則吾許之吾許之非許讐也其能赴公也彼人也雖與吾有親然使其挾詐營私則吾不許之吾不許之非薄待吾親也怒其挾詐營私也夫讐仇可以悉化况意見耶今天下危矣人所共知者也俄屯旅順扼北直之吭法租廣州灣制南部之命德佔膠州英實威海皆可絕我海運窺我神京矣而內地東西南北各國西疆儼然劃有瓜分界線此何時也正同舟遇風之時也不畏風之覆舟而與救者詬訾是欲同溺也夫同溺何心焉諒守道之士當不出此也中國學問多分門戶漢宋有爭漢與漢有爭宋與宋有爭爭之不已貽誤後人然彼無事時猶可也禍延眉睫仍襲故智門戶分則黨援判黨援判則有蓋之事聖射難辨孔教之滅滅於我士人黃種之危危于我華族恭親王奏請編檢出洋矣而後文端沮之文端誠正人也後事之利害不及料焉故至失言而談洋務者遂力詆理學豈知修身踐言不可不為理學理學即孔子之遺也其中闡發間有誤焉其善者不可掩也談實用者莫切于西政習其章程資以閱歷政事才也至其格致製造諸學代天造物脫離人于牛馬之苦功德不可思議也各國既能矣而我不學何以相抵故人之為學止講公理如大海然萬派兼收有益無益我自辨焉人之辦事亦止遵公理則物理自然順勢利導人之不遵公理而為者視吾遵公理而為者其難易何如也此吾所謂公理當為天下定評也吾又幸何哉幸夫天下之善爭者皆天下有心人也天下之分門戶者皆天下有實力之人也漢有黨禍如丁固諸人豈非正人君子哉明有黨禍如東林諸生豈非正人君子哉同一正人君子也生今之時處今之世不肯相下則以各有所學不同失天下之公理故爭吾請設為爭者之言曰今之政務何必盡做照西法也中國有古法在焉何不取而更張之則曰此言亦未必不然今之所以用西法者亦取其合乎古也既取其合乎古矣何不竟用古法之為愈也則有道焉試問之講經世之學者曰吾欲知辦事之實則必曰閱歷也即事推理也吾欲讀辦事之書則必曰奏案也律例也曾左胡各種政書也問其何以必讀是書則必曰以其愈近愈切也古法較今為遠西法較古為近古法有不合